

Nunat Avannarliit Killiit Siunnersuisoqatigiiffiata kaammattuutitut aalajangersagaanik nr. 4/2011-mik, ataani allassimasutut oqaasertalimmik, Inatsisartut tapersiinissaannik Inatsisartut aalajangiiffigisassaattut siunnersuut:

**Nunat Avannarliit Killiit Siunnersuisoqatigiiffiata Islandimi, Savalimmiuni Kalaallilu Nunaanni naalackersuisut kaammattorpaat Kalaallit Nunaanni, Islandimi Savalimmiunilu oqartussat susassaqartut suleqatigalugit eqqakkat atoqqinneqarsinnaasut qanoq pineqartarnerat eqqarsaatigalugu nunat pineqartut ataatsimut soqutigisaat nalunaar-soqqullugit, taamatullu aamma nunani pineqartuni eqqakkat atoqqinneqarsinnaasut qanoq pineqartarnerat pillugu nunat avannarliit killiit siunnersuisoqatigiiffiannut killiffimmik nalunaarusioqqullugit.**

(Nunat Avannarliit Killiit Siunnersuisoqatigiiffianni Inatsisartut aallartitaasa siulittaasuat, Josef Motzfeldt).

### **Akissuteqaat**

(Nunamut Namminermut, Pinngortitamut Avatangiisinullu Naalackersuisoq)

### **Siullermeerneqarnera**

Nunat Avannarliit Killiit Siunnersuisoqatigiiffiata kaammattuutitut aalajangersagaanik nr. 4/2011-mik Inatsisartut tapersiinissaannik siunnersuut pillugu Naalackersuisut qujapput.

Naalackersuisut isumaqarput savimerngit saffiugassallu igitat atoqqinneqarsinnaaneriniq periarfissanik misissuinissaq pingaartoq. Savimerngit saffiugassallu igitat atoqqinneqarsinnaanerinit tunngatillugu suliniutit ilaatigut eqqagassat pillugit iliuusissamik pilersaarummi anguniakkat ilaasa arfineq pingajuannut ilaapput. Savimerngit saffiugassallu igitat nunani avannarlerni killerni passussinerup iluani ataatsimut soqutigisaqartoqarnerisq misissussallugu taamaattumik naleqqussinnaavoq.

Eqqakkanut tunngatillugu inatsisunik tunngaviit pisariaqartut qulakkeernissaannut aamma ineriartortitseqqinnermi malinnaanissamut/peqataanissamut Namminersorlutik Oqartussat pisortatut oqartussatut qitiupput. Eqqakkat passunnissaannut iginneqarnissaannullu akisussaaffiginerinit kommunit salliullutik pisortatut oqartussaapput, tassunga ilanngullugu savimerngit saffiugassallu igitat pillugit passussinermit tunngasunut.

Ukiut arlallit ingerlanerini savimerngit saffiugassallu igitat isiginiarneqarsimapput, taamaalillunilu savimerngit saffiugassallu igitat pillugit saliinissanut peerneqarnissaanullu kommunit ataatsimoorlutik misissueqqaarneq isumaginnittarsimapput. Assersuutigalugu 2008-mi illoqarfinni 13-ini savimerngit saffiugassallu igitat ataatsimut katersorneqarnissaat, assartorneqarnissaat tuneqqinneqarnissaallu pillugit KANUKOKA kommunit sinnerlugit qulaajaasoqarnissaanik neqeroortitsisimavoq. Suliap naammassineqarnissaanut

tamakkiisumik neqeroorutip akia 45 – 65 millionit koruunit akornaniissimavoq. Kommunit isumaqarput aningaasartuutit taakku kommuninut pineqartunut qaffasippallaarsimasut.

Nalunaarsuineq pillugu nalunaarusiaq suliarinnittussarsiuussinermilu atortut KANUKOKA-p nittartagaani pissarsiarineqarsinnaapput.

Tamatuma kingorna aalajangiisoqarpoq Sisiumiuni piareersaataasumik pilersaarummik ingerlatsisoqassasoq, Namminersorlutik Oqartussanit aningaasanik tapersorsorneqartoq, taamaalilluni KANUKOKA aamma kommunit siunnersortinik avataaneersunik sulisoqalernissaannik periarfissaqalersillugit. Taamaaliortoqarpoq piareersaataasumik pilersaarummut atatillugu savimerngit saffiugassallu igitat pillugit passussinermi pikkorissartitsinerup naammassineqarnissaa ilaatigut qulakkeerniarlugu, kiisalu kommuninut iluaqutaasumik misilittakkat katersorneqarlutik. Piareersaataasumik pilersaarummiit inaarutaasumik nalunaarusiaq suli naammassineqanngilaq.

Qulaani taaneqartut kingunerisimavaat savimerngit saffiugassallu igitat atoqqinneqarsinnaaneritik kommunit aallussilernerat. Sisiumiuni piareersaataasumik pilersaarut illoqarfimmi suliffeqarfimmik ataavarnerusumik isumaqatigiissuteqarnermik taamaalilluni ki-nguneqarsimavoq. Kommunit allat aamma suliniuteqarput, assersuutigalugu Qaasuitsup Kommunia Ilulissaniit, Aasianniit kiisalu Kangaatsiamiit savimerngit saffiugassallu igitat pillugit umiarsuarmik assartornissaanut sumiiffimmi suliffeqarfimmik isumaqatigiissuteqarsimalluni.

Suliniutit aallartinneqareersut tunuliaqutaralugit kaammattuutip akuersissutigineqarnerani aamma kaammattuummi isumagisassat naammassineqarnissaat aningaasanut inatsimmi eqqagassalerinermut aningaasaliissutigineqareersut iluanni isumannaarneqarsinnaapput.

Taamatut oqaaseqarlutik Naalakkersuisut siunnersuutigissavaat siunnersuut akuerineqassasoq.